

MEMORANDUMI SHPJEGUES PËR STRATEGJINË PËR MENAXHIMIN E UJËRAVE TË ZEZA NË KOMUNËN E RAHOVECIT 2025 – 2031

Dokumenti konsultues që përmban afatet e konsultimit, memorandumet shpjeguese dhe adresën për pranimin e komenteve për Strategjinë për Menaxhimin e Ujërave të Zeza në Komunën e Rahovecit 2025 – 2031.

Strategjia për Menaxhimin e Ujërave të Zeza në Komunën e Rahovecit 2025 – 2031 është në konsultim publik nga data **2.4.2026 deri më 17.4.2026**

Kjo strategji synon vendosjen e një sistemi funksional, të qëndrueshëm dhe financiarisht të realizueshëm për trajtimin e ujërave të zeza në Komunën e Rahovecit deri në vitin 2031.

Neni 2 Fushëveprimi

1. Kjo Rregullore zbatohet për Komunën e Rahovecit.
2. Fusha e përgjegjësisë së komunës është e përcaktuar në legjislacionin për vetëqeverisjen lokale dhe me legjislacionin përkatës në fuqi.

Neni 3 Fushëveprimi

Komuna e Rahovecit, me një popullsi prej rreth 41,799 banorësh dhe sipërfaqe prej 276 km², disponon një rrjet kanalizimi që mbulon 95.69% të popullsisë, por pothuajse të gjitha ujërat e zeza shkarkohen pa asnjë trajtim paraprak në Lumin Drini i Bardhë dhe degëzimet e tij. Aktualisht, i vetmi impiant funksional është sistemi lagun në fshatin Kramovik, i cili shërben vetëm për një vendbanim të vogël. Shkarkimi i vazhdueshëm i ujërave të patrajtuar përbën rrezik serioz për shëndetin publik, ndot burimet ujore sipërfaqësore dhe nëntokësore, degradon ekosistemet ujore dhe pengon zhvillimin e qëndrueshëm socio-ekonomik të komunës. Sipas vlerësimeve, çdo vit shkarkohen në trupa ujorë mbi 925,000 m³ ujëra të zeza pa trajtim, duke krijuar një ngarkesë ndotëse që tejkalon kapacitetin vetëpastrues të lumenjve dhe rrezikon cilësinë e ujit edhe për komunat e poshtme të pellgut të Drinit.

Objektivi strategjik

Kjo strategji synon vendosjen e një sistemi funksional, të qëndrueshëm dhe financiarisht të realizueshëm për trajtimin e ujërave të zeza në Komunën e Rahovecit deri në vitin 2031.

1.3 Ndërhyrjet kryesore

Për të arritur objektivin strategjik, parashihen këto ndërhyrje kryesore:

- **Ndërtimi i katër impianteve të trajtimit (WWTP):** Një impiant kryesor urban për qytetin e Rahovecit dhe tri impiante rurale për zonat e Krushës së Madhe dhe Gexhës, dhe Retisë me kapacitet të përshtatshëm për popullsinë dhe perspektivën e zhvillimit.
- **Ndërtimi i kolektorëve kryesorë:** Kolektorë gravitetikë dhe me pompim për grumbullimin dhe transportin e ujërave fekale nga zonat urbane dhe rurale deri te impiantet e trajtimit.

- **Rehabilitimi dhe zgjerimi i rrjetit të kanalizimit:** Riparimi i segmenteve të vjetruara, zëvendësimi i gypave të dëmtuar dhe zgjerimi i rrjetit në zonat e pambuluara.
- **Ndarja progresive e sistemit fekal nga ai atmosferik:** Ndërhyrje për eliminimin e përzierjes së ujërave fekale me ato atmosferike, duke reduktuar ngarkesën hidraulike në impiantet e trajtimit dhe rrezikun nga përmytjet urbane.
- **Masat kundër përmytjeve:** Ndërtimi i kanaleve atmosferike, mureve mbrojtëse dhe sistemeve të kullimit në zonat e rrezikuara, të integruara me sistemin e kanalizimit.

1.4 Kostoja dhe fazat e zbatimit

Zbatimi i strategjisë është planifikuar në tre faza kryesore, me një kosto totale të parashikuar prej 17,500,000 €. Kostoja përfshin investimet kapitale për infrastrukturë, studimet teknike, mbikëqyrjen dhe një kontingjencë për rreziqe të papritura.

Tabela 1. Fazat e zbatimit, ndërhyrjet kryesore dhe kostoja e parashikuar

Faza	Periudha	Ndërhyrjet kryesore	Kosto (€)
I	2025–2027	WWTP kryesor urban (Rahovec), kolektorët kryesorë urbanë, rehabilitimi urgjent i rrjetit ekzistues	8,500,000
II	2028–2029	Tri WWTP rurale (Krushë e Madhe, Gexhë, Reti), kolektorët ruralë, zgjerimi i rrjetit periferik	5,500,000
III	2030–2031	Ndarja progresive fekale/atmosferike, kanale atmosferike dhe kulluese, mure mbrojtëse kundër përmytjeve, modernizimi i impianteve	3,500,000
Totali	2025–2031		17,500,000

2.2 Qëllimi dhe dimensionet e strategjisë

Strategjia për Menaxhimin e Ujërave të Zeza në Komunën e Rahovecit (2025–2031) adreson katër dimensionet e ndërlidhura, të cilat së bashku sigurojnë një qasje të integruar ndaj problemit:

1. **Mbrojtja e ujërave:** Parandalimi i ndotjes së trupave ujorë sipërfaqësorë (Drini i Bardhë dhe degëzimet) dhe ujërave nëntokësore, përmes trajtimit të ujërave të zeza para shkarkimit.
2. **Investimet në infrastrukturë:** Ndërtimi i impianteve të trajtimit, kolektorëve dhe rehabilitimi i rrjetit ekzistues, duke siguruar mbulim progresiv të popullsisë me shërbime adekuate.
3. **Përdorimi efikas i burimeve:** Menaxhimi i qëndrueshëm i resurseve ujore dhe reduktimi i humbjeve në sistem, duke kontribuar edhe në mbrojtjen e burimeve të ujit të pijshëm.
4. **Vetëdijesimi publik:** Edukimi i komunitetit për mbrojtjen e ujërave, përdorimin e duhur të sistemit të kanalizimit dhe raportimin e problemeve.

2.3 Fokuset operacionale të strategjisë

Strategjia do të shërbejë si udhërrëfyes për autoritetet lokale në katër fokuse operacionale:

- **Kohezioni i politikave:** Harmonizimi i politikave sektoriale komunale (infrastrukturë, mjedis, zhvillim urban, bujqësi) në funksion të mbrojtjes nga veprimet e dëmshme të ujërave të zeza.
- **Koordinimi institucional:** Forcimi i bashkëpunimit ndërmjet Komunës së Rahovecit, KRU "Gjakova", nivelit qendror (MMPHI, AMMK) dhe mekanizmave të pellgut lumor.
- **Integrimi financiar:** Bashkërendimi i financimeve nga burime të ndryshme (buxheti lokal dhe qendror, grantet ndërkombëtare, PPP, tarifat) për të siguruar qëndrueshmëri financiare.

- **Përfshirja komunitare:** Angazhimi i komuniteteve dhe akterëve lokalë në identifikimin e nevojave, zbatimin e masave dhe monitorimin e rezultateve.

Përgjegjës për zbatimin e kësaj Rregulloreje

Për zbatimin e kësaj Rregulloreje janë; Kryetari i Komunës së Rahovecit, Kuvendi i Komunës së Rahovecit dhe Drejtoritë përkatëse komunale.

Hyrja në fuqi

Pas miratimit nga ana e Kuvendit të Komunës së Rahovecit, kjo Rregullore hyn në fuqi 30 ditë pas dërgimit në autoritetin mbikëqyrës, në kuptim të nenit 8, lidhur me nenin 9 të Ligjit Nr. 08/L-284 për Shqyrtimin Administrativ të Akteve të Komunave dhe 7 ditë pas shpalljes publike në tabelën e shpalljeve ose Web – faqen zyrtare të Komunës.

Komentet dhe sugjerimet mund t'i dërgoni deri me datë 17.4.2026 në ora 16:00, në emaillet e zyrtarëve: sylejman.daka@rks-gov.net , ilir.haxhijaha@rks-gov.net ; bjondina.ramaj@rks-gov.net , dhe blerta.gashi@rks-gov.net.